

- noh ne mohte sich des irwerigen er ne muse ime des sverigen.
940. Do Josep gesach sines uater unmaht  
do nam er zu ime sine zuene sune;  
zu sineme uater er gi, uile wole er in impfi,  
an daz pette er gesaz, zu Josebe er sprah;  
'Do ich pegab min heim der almighty got mir irshein,
945. mich selben er wihte unde alle di chomen uon mineme libe;  
uon div so wil ich daz dine sune erlich  
Manasses unde Effraym sin sune mine,  
di du noh gewinnest der du dich underwindest'.  
Do er div kint gesach, zu Josebe er sprah,
950. 'Wer sint dise?' Josep chot, iz waren sine sune;  
'nu leite mir here si daz ich si gewihe.'  
daz gesune ime tunchelote, daz tet ez durh note,  
er was ein alt man, er ne mohte niht heitere gesehen.  
Joseph laite ime si dare; er begreif si uile giware,
955. er halste [si] iovh chuste dei kint also luste,  
er handelote si zarte, er frovte sich ir harte. Bl. 85<sup>b</sup>.  
Joseph dei chint stalte zû sinem uater beidenthalbe,  
Manasses ze der zesewen, Effraym ze der winsteren;  
Jacob di hende uber ein ander serancte:
960. di zesewen uber Effraym, di winsteren uber Manassen.  
Do Joseph daz gesach do was ez ime ungemach;  
er wolte ime di zesewen haben uber Manassen,  
er chot deiz niht pillich ware, Manasse ware der altore.  
[Jacob chot] wole wesse *waz er wolte unde waz er tûn scolte*,
965. (chot) der altere wurde uil mahtic siner geburte,  
daz auer der iungere wurde der hêrore:  
er ne mahte [des] gotes willen niht uirwandelen *noh gestillen*.  
Di hende li er ime ligen: er begunde ze gote digen

943. W. iacob ze ioseph sp.

955. W. ohne si.

944. W. der almatigot.

957. zû sinen. W. sineme.

950. W. waren sine sune ohne iz.

960. W. manassen.

953. W. heitere chiesen.

962. W. ziehen uber.